



14 Juni 2022

Esekiel 40: 38-46



**Simpersembahkan
Persembahkan**



Kenca malekat Dibata nibari Rumah pertoton, si ertujun ingan kemulian Dibata, maka iteruskenna guna nibari batar-batar persembahen. Teridah man Esekiel kerna rubia-rubia si enggo ibersihkan jadi persembahen tutungen, nasapken dosa ras persembahen ganti rugi. Enda nuduhkensa kerna persembahenta man Dibata. Maka mpersembahen persembahen e labo banci asal-asalen ras mekarus. Kerina lebe arus ibersihkan alu iburihi. Aminna pe bas kalak Israel mbue rupa-rupa persembahen tapi i bas kiniteken man Tuhan Jesus, sada ngenca persembahen si tuhu-tuhu e me Tuhan jine selaku imam si nggo mpersembahen diriNa jadi persembahen si nasapken dosa manusia alu kematenNa jine. E maka lanai perlu imam nari guna mere persembahen, kerina nggo ikuhi i bas Jesus. Si jadi penungkunen man banta, kai responta arah persembahen si mbelin e? Sabap ngerana kerna persembahen man Tuhan, nterem denga kalak muat kalkulator kegeluhenna janah mulai ngkirai untung-rugi ope denga maba persembahen man Tuhan. Persembahen situhuna pengataken bujur man Tuhan, labo masalah untung-rugi. Tapi uga pasu-pasu Tuhan sialoken kita bas geluh enda. Nginget-ninget kerna karya Dibata nyata i bas geluhta, me e kin jadi palas man banta guna mereken persembahen man Tuhan? Lit sekalak perbapan si protes, nina:” mere...mere...mere janah arus mere silalap. Aku latih mere lalap.” E maka ijabap Tuhan, ”adi bage nindu, mari sibahan sada kesepakatan...kam ngadilah mere tupung aku pe ngadi mere man bandu.” Ngasup kin kita nggeluh adi Dibata ngadi mere man banta?

Nggo leben Dibata encukupi keperluanlunta

